



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Vita B. P. Ignatii Qui Religionem Clericorum Societatis lesv instituit**

**Ribadeneyra, Pedro de**

**Ipris Flandrorum, 1612**

11. Ignatij felix exitus, sepultura, oris & corporis conformatio.

**urn:nbn:de:hbz:466:1-45048**

cetera, quibus procul dubio fractus debilitatusque succumberet, nisi Dei ope sustentaretur; qui ita leuabat Ignatium, ut quò esset infirmior, inque onere tam graui quo magis humano esset auxilio destitutus, eò maiorem præferret alacritatem, Deique virtus magis in eius infirmitate splenderet. Denique B. Pater animi virtute corporis debilitatem subleuabat, huius vitæ labores patienter ferebat, ex vnius diuinæ nutu voluntatis suam pendere desiderans. Sed quamuis ita se res haberet, tanta cupiditate tamen Dei videndi fruendique ardebat, ut nunquam de morte sine lacrymis gaudio fluentibus cogitaret.

## CAPVT. X.

*Ignatij felix exitus, sepultura, oris & corporis conformatio.*

**Q**uamobrem ingrauescente iam ætate, morbis oppressus, turbulentis ecclesiæ temporibus afflictus, Christique intuendi desiderio, gemitibus eum obsecrauit, ut huius vitæ  
exilio

exilio liberatus, eò migrare sibi lice-  
 ret, vbi liberius laudes eius decanta-  
 ret beatoque cōspectu frueretur. Nec  
 irritas fuisse preces signis haud dubiis  
 intellexit. Scriptis enim litteris ad  
 Dominam Leonoram Mascarenam,  
 quæ Patris ipsius erat studiosissima &  
 Catholici Hispaniarum Regis Philip-  
 pi II. pueritiæ præfuerat, ei ad extre-  
 mum valedixit, addiditque (vt ipsa  
 mihi narrauit) has esse litterarum sua-  
 rum postremas, seque in cælo maiori  
 impostero studio salutem eius cura-  
 turum. Tametsi igitur grauiori morbo  
 non vrgeretur, qui domesticos aliqua  
 mortis imminentis suspicione percel-  
 leret, sed tantummodo solita debili-  
 tate langueret, cum tamen extremum  
 sibi diem aduentare præsentiret, ani-  
 mum confessione expiauit, & cælesti-  
 bus epulis refecit; quod ei solemne  
 erat, quoties rem ipse diuinam facere  
 non posset; deinde tertio Kal. Aug. sub  
 vesperam P. Ioannem Polancum, quo  
 in scribendis litteris vsus fuerat admi-  
 nistro, tale nihil opinantem voca-  
 uit, eique animo tranquillo obitum  
 sibi

sibi instare prædixit; quamobrem suo nomine summum Pontificem mature adiret, ab eoque post religiosa pedum oscula, faustam sibi preceationem peccatorumque indulgentiam impetraret, quò lætior & securior migraret è corpore. Eam verò summus Pontifex admodum libenter magnaue significatione tum amoris, tum doloris impertiiuit.

Aduocati deinde medici, cum nullum ab eo morbo periculum esse dicerent, siluit Ignatius: nam qua erat animi demissione, dona Dei quibus erat præditus, futurique præscientiam ostentare nolebat, quare suam medicis libertatem relinquere statuit, eorumque sequi iudicium quidquid tandem illi præscriberent. Itaque postridie manè, prima ab ortu solis hora prid. Kal. Aug. c. d. lvi. feria hebdomadæ secunda, sublatis manibus, sereno vultu, oculis in cælo defixis, voce menteque appellato **I E S U** nomine, animam suo reddidit conditori. Vir modestia planè mirabili, quam ad vitæ finem vsque seruauit. Cùm enim

Dies  
obitus  
eius  
vlt.  
Iulij  
1556

extres

extremum obitus sui diem non ignos-  
 raret, animum tamen inducere non  
 potuit, vt, quod in eius erat arbitrio  
 vicarium sibi sufficeret, aut filios ad  
 eos exhortandum vocaret, faultaue  
 precatone prosequeretur, aut alio  
 quopiam fungeretur officio Patris,  
 prorsus quasi omnium infimus esset,  
 nec vllam operam ad constituendam  
 Societatem contulisset.

Ætatis agebat cum discessit annum  
 sexagesimum quintum, à conuersione  
 trigessimũ quintum quos in extrema  
 paupertate, pœnitentia, peregrinatio-  
 nibus, litterarum studiis, vexationi-  
 bus, vinculis, compedibus, laboribus,  
 ærumnisque traduxit, quæ omnia pro  
 Christo summa lætitia animique mag-  
 nitudine pertulit. Conatus est item  
 dæmon & cuiusque generis aduersarij  
 totis eum viribus affligere, susceptis-  
 que ad Dei gloriam conatus eius dis-  
 turbare, sed inuictò animi robore  
 omnibus Dei beneficio superior sem-  
 per euasit. Vixit annis sex & decem à  
 confirmata Societate, quam interea  
 multiplicatam vidit & toto propemo-  
 dum

dum orbe diffusam. Duodecim pro-  
 uincias constitutas reliquit, Lusitania, Pro-  
 Castellæ, Aragoniæ, Bœticæ, Italia uin-  
 quæ Galliam Cisalpinam Hetruriam- cias &  
 que complectitur, Neapolis, Sicilia, do-  
 Germaniæ tum superioris tum inferio- mos  
 ris, Gallia, Brasilia, India quæ ad or- tatis  
 tum est, in quibus tum Societatis vel quot  
 collegia vel domicilia centum nume- titas  
 rabantur. Luxit Romana ciuitas vni- reli-  
 uersa mortem huius admirandæ sanc- querit.  
 titatis viri, sed eius in primis filij qui  
 Romæ tunc erant, ceterique vniuersi.  
 Illius tamen mortui, vel vt verius  
 dicam viuentis, opem auxiliumque  
 senserunt. Nam ex illius obitu suauissi-  
 mus quidam in vniuersa Societate do-  
 loris sensus est consecutus, lacrymæ  
 iunctæ cum gaudio, desiderium sanctæ  
 spei plenum, vigor & robur animo-  
 rum passim excitatum, ita vt omnes  
 laborandi pro Christo, grauique ac  
 difficilia patiendi noua quadam arde-  
 re cupiditate viderentur. Eius corpus  
 in templo nostro S. Mariæ de Strata  
 ad dexteram aræ summæ Kal. Aug.  
 humili sepulcro mandatum est. Anno  
 verò

Sepul-  
tura  
eius  
corpore  
risque  
trans-  
latio.

verò MD. IX. LXIX. ara loco mota,  
primùm in aduersam eiusdem ædis  
partem translatum. Inde rursus anno  
MD. IX. LXXXVII. XIII. Kal. Decemb.  
qui dies S. Pontiano consecratus est,  
in ædem sumtuosam professæ domus  
ab Alexandro Farnesio Cardinali nu-  
per exstructam. Tumulo conditum  
fuit ad altaris dexteram in arca plum-  
bea, planumque saxum impositum,  
muro verò nigrum politumque mar-  
mor insertum, & hæc incisa inscrip-  
tio.

D. O. M.

*Ignatio Societatis I E S V  
Fundatori: Obdormiuit in  
Domino ætatis sue anno  
LXV. confirmati à Sede  
Apostolica ordinis XVI. Sa-  
lutis humanæ MD. IX. LVI.  
pridie Kal. August. eius in  
Chri-*

*Christo filij Parenti optimo  
posuere.*

Nunc ibi piè colitur corpus huiusce  
B. Patris ab omnibus non modò filiis,  
sed vniuerso populo curiaque Roma-  
na, atque aliis qui eo religionis causa  
ventitant. Mouentur enim admirabili  
sanctitate vitæ rebusque mirabilibus  
quas Deus ad illustrandum eius apud  
homines nomen, eiusdem precibus  
efficit, copiosissimisque fructibus qui  
à filiorum sudore laboribusque toto  
terrarum orbe nascuntur. Neque non  
vident radicem quæ plantas eiusmodi  
genuit quam perfectissimam esse  
oportere; vberrimum Deoque gratis-  
simum fontem, è quo fluxerunt illæ  
abundantes ac salutare aquæ virtu-  
tum atque doctrinæ, ad aridam huius  
mundi irrigandam, quæ innumerabiles  
alioqui spinas & herbas frugibus ini-  
micas effunderet. Fuit mediocri sta-  
tura, ore venusto, fronte lata neque  
rugosa, depressis oculis, palpebris vi  
lacrymarum contractis & corrugatis,  
modicis auribus, naso maiore & aqui-  
lino,

D lino,

lino, colore nec albo nec fusco sed utroque mixto & temperato, caluitie veneranda, vultus illi iucundè grauis & grauiter iucundus, quique intuentes specie quadam & conformatione recrearet, grauitate componeret. Ex altero crure nonnihil claudicabat, quod accepto vulnere demtoque osse paullo contractius erat, honestè id tamen & quod incedendi moderatio-  
ne tegeret.

### CAPVT. XII.

*De precipuis eius virtutibus, humilitate præsertim sui que contemptu.*

**E**Nimuerò quis admirabilem contentum virtutum eius pro dignitate commemoret? quis cælestes opes quibus eum Deus locupletauit, cælestia dona quibus ornauit? pœnitentiæ grauitatem? perfectam contemptio-  
nem rerum humanarum? eximiam animi demissionem? inuictam patientiam? amabilem mansuetudinem? prudentiam singularem? suauem & efficacem gubernandi rationem? constan-  
tiam in rebus aduersus? robur in iis  
quæ